


S Afl. 1.25 LO

BRIYANDO FUERTE • TRECIENDO CLARIDAD
DIALUNA 13 JANUARI 2025

Di Pueblo

**Marco Berlis (MEP):
MIKE EMAN LO CUMPLI CU SU
PROMESANAN DI CAMPAÑA OF
DEFRAUDA PUEBLO ATROBE?**



WWW.SOLODIPUEBLO.COM



SOLODIPUEBLO@GMAIL.COM

ENTIERO DI SR. HENNY EMAN LO TA UN ENTIERO DI ESTADO

Ta pidi cooperacion na sector priva
y publico pa duna tempo na esun cu
desea, pa por atende entierro

PARADA DI FLAMBEU CU ZERO DETENCION



GABINETE WEVER-CROES A CUMPLI CU E PROMESA HACI NA OPPA Y NA TUR PENSIONADO DI ARUBA

TIN TRABOU IMPORTANTE PA PARLAMENTARIONAN DI PARLAMENTO NUMBER 12 EHECUTA



NAN A CORTA UN HOMBER NA SU CABES CU UN KAP CU PALO DILANTI PRO- CATEDRAL SAN FRANCISCO



Prome Minister Evelyn Wever-Croes:

ENTIERO DI SR. HENNY EMAN LO TA UN ENTIERO DI ESTADO

Ta pidi cooperacion na sector priva y publico pa duna tempo na esun cu desea, pa por atende entiero

“Ta un siman cu nos a ricibi e tristo noticia di fayecimento di sr. J.H. (Henny) Eman, ex Prome Ministro di Aruba. Den number di Gobierno di Aruba mi ta extende nos mas profundo condolencia na su famia, su sernan keru y henter e pueblo di Aruba cu e partida físico di e ex mandatario”, Prome Minister Evelyn Wever-Croes a expresa.

Como ex Prome Ministro sr. Eman a goberna Aruba na 3 oportunidad: entre 1986 pa 1989; entre 1994 pa 1997; y entre 1997 pa 2001. Sr. Eman tabata e

prome Prome Minister di pais Aruba na momento cu Aruba a haya su Status Aparte.

ENTIERO DI ESTADO

Segun nos leynan actual, solamente un minister cu fayece den su funcion, ta ricibi un entiero di estado. Sinembargo, Minister President Evelyn Wever-Croes y Consejo di Minister, despues di a ricibi tur e consehonan necesario, a dicidi di cambia e ley, y pa otorga na sr. Henny Eman, como un ex Prome Minister, un entiero di estado.



Pa esaki ta extende un invitacion na comunidad pa acudi na e acto di entiero cu lo tuma luga dialuna 13 di januari 2025. E cortejo funebre lo pasa

dilanti Bestuurskantoor y Parlamento di Aruba, na unda Gobierno y Parlamento por muestra nan respet.

Tin oportunidad pa duna condolencia di 10:30 AM te 4.00 PM na Plaza Henny Eman, banda di Kabinet di Gobernador.

Ta haci un apelacion na doñonan di trabou den sector priva y sector publico pa coopera pa duna e oportunidad na empleadonan cu ta desea pa atende e entiero.

“Cu Dios duna famia- y amigonan di sr. Henny Eman, dfm, fortaleza y consuelo den e momentonan dificil aki”. Evelyn Wever-Croes Prome Minister

DRS. SHAILINY TROMP-LEE TA REFLEXIONA RIBA SU ROL TEMPORAL COMO PRESIDENTE DI PARLAMENTO

Durante e programa Interes di Pueblo na Top FM 95.1 diasabra ultimo, drs. Shailiny Tromp-Lee a comparti detaye riba su rol breve pero significativo como presidente interino di Parlamento di Aruba. El a splica cu despues cu e presidente anterior a baha na september, el a asumi e funcion di vice-presidente, loke a pon'e den e posicion di dirigi Parlamento temporalmente.

Dia 7 di januari ultimo, despues di validacion y

aprobacion di e credencial di e miembronan di Parlamento number 12, Raymond Kamperveen a conclui cu su papel como presidente. Tromp-Lee a asumi e presidencia dia 8 di januari, liderando no solamente e sesion inaugural di huramentacion di e parlamentarionan, sino tambe e reunion caminda a defini e cargonan di presidente y vice-presidente p'e periodo 2024-25.

“Tabata un honor pa eherce e funcion aki, aunke solamente pa un dia. Ta un tarea cu ta rekeri preparacion, dedicacion y garantisa semper pa democracia prevalece,” Tromp-Lee a comenta. El a destaca cu e dia a transcuri sin contratempo, cualificand'e como “smooth” y señalando cu tanto e ceremonia di huramentacion como e sesion di nombracion tabata un exito.

Finalmente Parlamento a



scoge Gerlien Croes como presidente y Mervin Wyatt-Ras como vice-presidente p'e periodo legislativo nobo aki. Tromp-Lee a conclui expresando satisfaccion p'e

resultado di e reunionnan y su compromiso cu e fortalecimiento di democracia parlamentario na Aruba.

PARADA DI FLAMBEU CU ZERO DETENCION

Diasabra anochi pa exactamente 8:01 pm di anochi e parada di Flambeau a start sali for di dilanti ex-Kooyman na Avenida Milio Croes.

Cuerpo Policial conhuntamente cu SMAC a cende e flambeau pa asina hasi inicio di e parada.

Pa loko ta trata polis di diferente departamento a traha e anochi encuestacion.


Polis uniform, K-9, ME, AT, recherche, personal administrativo, commando mobiel, Motor Unit y personal di CEA.

E cabez di e parada a yega pa 00:20 na ex -DOW y pa 02:55 e final a yega.

Por bisa cu e aña aki e detencion tabata zero.



NAN A CORTA UN HOMBER NA SU CABES CU UN KAP CU PALO DILANTI PRO-CATEDRAL SAN FRANCISCO



Diadomingo madruga a drenta informe di un pelea formal unda cu tin un persona herida cu un kap sangrando profusamente na cabes cu un pida palo. Mesora a dirigi tanto polis como ambulans na e sitio. Na yegada di e patruya a bin descubri cu e agresornan a kap su cabes cu un pida palo, na yegada di e ambulans nan a atende y a transporte mesora pa hospital.





NoticiadiCorte

7 Y 6 AÑA DI PRISON PA DOS VENEZOLANO ENVOLVI DEN TRAFICACION DI HENDE CAMINDA 4 HENDE A HOGA

E hombernan Venezolano Y.R. y D.S. a presenta diabierna mainta den Corte pa scucha nan sentencia. Nan caso a wordo trata December 2024 caminda Fiscal a haya nan culpabel di ta involvi den traficacion di hende caminda 4 hende a hoga. Fiscal a exige 7 aña di prison pa cada un.

SOLO DI PUEBLO por a compronde cu Hues a haya Y.R. y D.S. culpabel y a condena Y.R. na 7 aña di prison mientras cu D.S. na 6 aña di prison.

Tratamento di e caso tabata na December 2024, caminda Fiscal ta acusa Y.R. y E.D.S. cu entre 1 December 2023 y 11 December 2023, a haci traficacion di hende y cu door di e hecho aki 4 hende a bin fayece riba laman.

SENTENCIA

Hues a bisa cu ambos ta wordo condena pa traficacion di hende caminda 4 hende a hoga. Hues ta haya cu di un forma of otro, Y.R. y D.S., a duna aporte significativo pa e traficacion. Hues ta haya cu tin suficiente prueba cu Y.R. a

manda placa y duna conseho cual tipo di boto mester busca. Tambe Hues ta haya cu Y.R. a percura pa hendenan na Venezuela wordo hiba na e boto pa bin Aruba. Hues ta haya cu D.S. a maneha e boto hunto cu un otro durante e trayectoria pa Aruba. Tambe cu D.S. tabata percura pa yena tanki di gasoline for di bari pa e boto por navega.

Hues a bisa cu e no ta haya cu nan tabatin intension pa kita bida di hende durante e traficacion. Hues a bisa cu tabatin peligro di morto durante e traficacion. Na opinion di Hues, for di e investigacion, no ta muestra cu e duo Y.R. y D.S., a haci e traficacion pa gana placa.

CULPABEL DI TRAFICACION

Hues a bisa cu e ta haya nan culpable di traficacion di hendenan. El a bisa cu e caso ta hopi serio door cu 4 persona a perde nan bida. Na opinion di Hues, traficacion di hende ta haci violacion grandi riba orden publico. Tambe e ta contra e maneho estableci pa Gobierno pa

hendenan drenta Aruba. Hues ta haya cu door di esaki, ta mantene un circuito di hendenan ilegal pa Aruba.

CASTIGO

Pa cu e castigo, Hues a bisa cu e ta tene cuenta cu seriedad di e caso y sentencianan cu sa duna pa casonan similar. Pa cu Y.R., Hues a tene cuenta cu su funcion den e organizacion di e viahe. Hues ta haya cu Y.R. a duna informacionnan valioso entre otro ki tipo di boto mester busca, busca un capitan y manda placa. Di otro banda, Hues a tene cuenta cu dos hende serca di Y.R. su famia, a fayece durante e viahe. Esaki a causa un impacto fuerte riba e famia.

Pa cu D.S., Hues ta haya cu D.S. a dicidi di bay cu e boto siendo cu e sa cu e boto no tabata apto pa haci e viahe y laman tabata bruto. Hues a bisa cu durante e viaha, D.S. tabata percura pa gasoline pa e motornan. Hues tambe a tene cuenta cu D.S. mes a forma parti di e viahe y a pone su mes tambe na peligro.

ACCIDENTE CU HENDE HERIDA NA E BRUG DI MADUSHI NA NOORD



Diasabra anochi a drenta informe di un accidente cu hende herida na e brug di Madushi na Noord, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente pa falta di preferencia unda Hyundai Accent a sali dilanti di un Toyota Mark X y nan a dal den otro.

Debi na e impacto un damita a keda herida na su cara. Na yegada di e ambulans nan a atende e damita.



MOTOCICLISTA A DAL ABAO CU BROMMER Y SU MES A LANTA CANA BAY TUR HERIDA CU SU BROMMER



Diadomingo madruga a drenta informe di cu un



motociclista lo a dal abao na Palm Beach, e mes a lanta ambos pia baha y curpa tur dolor cana bay cu e brommer pa su cas na Palm Beach, polis a topa cun'e y a puntr'e si e mester atencion di ambulans e binimento di e ambulans. ela nenga atencion di

Prome Minister Evelyn Wever-Croes y Gobierno di Aruba, conhuntamente cu Comision Despedida Ex-Premier J.H.A. (Henny) Eman

Ta invita pueblo di Aruba pa asisti na e ceremonia di entierro na honor di e prome Prome Minister di Aruba



SEÑOR JAN HENDRIK "HENNY" ALBERT EMAN

* 20 Maart 1948 - † 6 januari, 2025

Fecha : Dialuna 13 di januari 2025

Ora : 10:30 AM pa 4:00 PM

Luga: Plaza Henny Eman, Oranjestad, Aruba

Despues di e ceremonia, entierro lo tuma luga na Santana Protestant, Caya Ernesto Petronia, Oranjestad, Aruba.

Adres pa condolencia:

Cas di Partido AVP - Avenida Alo Tromp 56, Aruba

....

Cu Henny sosega na paz.



Partido MEP:

Parlamentario Shailiny Tromp-Lee:

TIN TRABOU IMPORTANTE PA PARLAMENTARIONAN DI PARLAMENTO NUMBER 12 EHECUTA

“Tabata un honor pa fungi como Presidente pa un dia”



Den e programa di INTERES DI PUEBLO di diasabra ultimo, Parlamentario Shailiny Tromp-Lee a comparti varios informacion importante pa pueblo di Aruba.

Parlamentario Tromp-Lee tabata tin e honor di fungi como Presidente pa Parlamento pa un dia. Esaki debi cu dia 8 di januari 2025, e tabata e unico legalmente autorisa pa fungi como tal, mirando cu dia 10 di september ultimo el'a wordo eligi como Vice Presidente di Parlamento, y tin e autoridad ey te ora un presidente nobo wordo eligi. E eleccion aki a tuma

luga dia 8 di januari, y entrante dia 9 di januari, Parlamento di Aruba a haya un presidente nobo, den persona di señora Gerlien Croes.

Desde e stoel di president, Parlamentario Tromp-Lee por a mira hopi, el a comenta den e programa radial. E por a mira desaroyo interesante y relacion entre coleganan. El a señala cu ta hopi importante pa na momento di forma un gobierno, pa scoge personanan como mandatario cu por traha bon hunto, cu tin un grado halto di tolerancia pa cu otro, pasobra bo mester por traha den un ekipo. Principalmente mester ta

hendenan madura cu por maneha e pais, y no mester pensa primeramente riba bienestar di e persona of di e partido, pero di nos pais.

Mientras tanto, algo cu tin algun hende confundi, ta bon pa enfatisa cu nos tin un gobierno awor, Gabinete Wever-Croes 2 bou di liderazgo di Evelyn Wever-Croes. Parlamentario Shailiny Tromp-Lee a trece padilanti cu ta importante pa e gobierno wordo forma lihe si pasobra tin algun ley importante pendiente den bienestar di nos pueblo. Mas lihe nos tin un gobierno, mas lihe e trabounan por continua.

“Mientras tanto tur 21

parlamentario mester realisa cu trabou di Parlamento no mester warda, parlamentarionan no mester bira pasivo, pero mester traha pa genera e bienestar di nos pueblo”, segun Parlamentario Tromp-Lee.

E Parlamentario a menciona entre otro e ley pa crea un salario minimo husto, “minimum uur loon”, un ley cu ta cla, y cu a cana su proceso completo caba. E ley aki ta cla pa wordo yama y ser trata, y e ta spera cu e ley por wordo aproba pronto.

Tambe Parlamentario Tromp-Lee a menciona e Presupuesto 2025. Esaki

tambe ta practicamente cla pa wordo trata, ta falta solamente e contestanan di gobierno, y e por wordo trata. Ta importante pa e ley aki wordo trata, pasobra varios hefe di departamento ta acerca e Parlamentario pa trata e presupuesto. Pasobra sino e ta tranca proyectonan di inversion cu e diferente departamentonan ta pendiente di dje, y e ta tranca e maneho di nos pais.

A traves di e programa radial diasabra mainta, INTERES DI PUEBLO, politiconan lo sigui duna informacion riba topiconan di relevancia.

Marco Berlis (MEP):

MIKE EMAN LO CUMPLI CU SU PROMESANAN DI CAMPAÑA OF DEFRAUDA PUEBLO ATROBE?

Mike Eman a los hopi promesa grandi durante campaña na 2024. Un di nan ta e AWG 700.- di aumento pa nos grandinan. Manera e resultadonan di eleccion a drenta, Mike a sali memey di un grupo grandi di hende pafo di Cas di Partido y a bolbe asegura cu den 100 dia e lo percura pa pensioen lo wordo aumenta cu awg 700.- y cu nada lo por stop esaki. Sinembargo, nos tur por recorda un Mike Eman desespera na 2009 a promete cu e lo baha e debe nacional y kita BBO completamente! Kico a sucede? Mike a redobla e debe nacional y a “halveer” BBO na 1.5%, pa despues subie bek mas di locual e tabata ta na 3.5%. Mike Eman lo cumpli cu su promesa di aumento di pensioen? Mike lo cumpli cu loke e la grita pa lunanan largo pa gana e confiansa di pueblo? Of Mike lo defrauda pueblo un biaha mas?

Algun señal ta indicando claramente kico lo bay sucede.

(1)- Algun luna pasa Minister Geoffrey Wever di partido Futuro a laga SVB traha un rapport riba un posibel aumento di pensioen usando e fondo di SVB. A usa 4 scenario, incluyendo scenarionan cu un posibel aumento den “fase.” E calculacionan y rapport di SVB no ta gaña; E gastonan miyonario ta surpasa 150 miyon florin pa aña y lo aumenta drasticamente tur aña. E rapport ta subraya cu e fondo di SVB lo rementa den 2-3 aña si lo bay aumenta pensioen cu awg 700.-

(2)- Den un rueda di prensa Mike Eman a declara cu e lo financia e aumento di pensioen for di reparatie toeslag, y esaki kiermeen cu Mike lo sak’e directamente for di nos presupuesto. E realidad ta cu no tin e espacio aki den



presupuesto pa financia semehante aumento di pensioen. Un rekensom simpel a demonstra esaki caba.

(3)- Tanto Gerlien Croes y Geoffrey Wever a indica caba den prensa cu nan NO lo permiti un aumento di pensioen di awg 700.- si nan lo drenta gobierno, pasobra NO tin placa pa esey! Ambos a para firme riba nan declaracion.

(4)- Apenas algun dia despues di a gana eleccion,

Mike Eman a cuminsa dal pasonan atras riba su promesa di lo aumenta e pensioen cu awg 700.-! Den un entrevista den prensa recientemente, Mike a cuminsa come su palabranan bek y a expresa di lo re-considera e punto di aumento di pensioen!

Kico Mike Eman ta dispuesto pa haci pa forma e gobierno nobo?


E pregunta ta; kico Mike ta dispuesto pa sacrifica

pa forma un gobierno nobo? Gerlien y Geoffrey a bisa bon cla cu nan no ta di acuerdo pa un aumento di pensioen di awg 700.-! Esaki kiermeen cu Mike Eman lo dobla ora e momento di negocia lo yega, of Mike lo para firme den su sapatonan pa garantisa nos grandinan e aumento cu tanto e la promete? Mike a bishita nos grandinan tur caminda, campaña pa mas di dos aña, brasa, hole y primi nos grandinan cu e promesa cu e lo subi pensioen cu 50%! Esaki lo ta otro promesa pa gana eleccion atrope? Esaki ta e “bon comun” cu Mike Eman ta predica, of e lo ta un farsa comun? Time will tell!

Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbidor di pueblo na bo ordo semper!

ACCIDENTE SEMI -FRONTAL CU HENDE HERIDA NA CRUSADA GUYABASTRAAT CU CAYA PAPA JUAN PABLOII

Diasabra anochi a drenta informe di un accidente cu hende herida na Caya Juan PabloII, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente semi-frontal unda un Toyota Yaris a bay bira mucho tempran y un Hyundai a bin dal riba dje. Den e auto tabata tin un persona ta keha di dolor den pecho y ambulans a presenta pa un check-up.



TOYOTA PASSO NO A REGULA SU VELOCIDAD NI A MANTENE DISTANCIA A BAY DAL TRAS DI HYUNDAI ACCENT



Diadomingo madruga a drenta informe di un accidente na Driemasterstraat, mesora a dirigi un patruya na e sitio. Na yegada di e patruya a bin compronde cu aki ta trata do un accidente

unda e chauffeur di un Toyota Passo no a regula su velocidad ni mantene distancia a bay dal tras di un Hyundai Accent di huur. Afortunadamente ningun hende a resulta herida.

CHAUFFEUR BURACHI TA SALI FOR DI ROTONDE SUBI E BLOKI MEMEY CAMINDA Y KENTEL



Diadomingo madruga a drenta informe di un accidente cu hende posiblemente herida na

rotonde Pos Chikito, mesora a dirigi tanto polis como ambulans na e sitio. Na yegada di e patruya

a bin compronde cu un chauffeur saliendo for di e rotonde Pos Chikito biniendo pabao a bay dal na e bloki muraya di separacion di e vianan y a kentel. Na yegada di e ambulans nan a controla e chauffeur pero no a resulta herida, ora cu polis a test e chauffeur a bin sali na cla cu e chauffeur ta burachi. Mesora polis a detene e chauffeur y a pidi takelwagen pa pone e auto bek riba wiel y kite for di caminda.



Prome Minister Evelyn Wever-Croes:

GABINETE WEVER-CROES A CUMPLI CU E PROMESA HACI NA OPPA Y NA TUR PENSIONADO DI ARUBA

17 mil pensionado lo no paga impuesto mas y remedy lo wordo cubri atrobe



Durante e reunion di diaranson 25 di September 2024 cu Prome Minister Evelyn Wever-Croes tabata tin cu e Organisacion di Pensionadonan Publico Arubano (OPPA), un di e temanan riba agenda tabata e peso di impuesto cu pensionadonan ta paga. Den e reunion aki a participa tambe señor Edwin Jacobs di AZV y SVB.

Prome Minister den e reunion ey a splica Presidente di OPPA, señor Ivo Valdez cu desde cu el a drenta den Gobierno na 2017, su compromiso tabata pa baha e peso di impuesto y percura

pa pensionadonan no paga impuesto mas. Sinembargo esaki no tabata un decision cu por a haci sin mas, mirando cu e tempo ey e gobierno prome cu Gabinete Wever-Croes, esta e gobierno di AVP, a hiba un mal maneho financiero y no tabata tin fondo pa cumpli cu e compromiso ey.

“Pero nos a traha duro, stap pa stap, y asina cu tabata tin espacio financiero, nos tabata alivia e peso di impuesto. Te cu awor a logra pa elimina e impuesto aki pa 17 mil di e 19 mil pensionadonan cu ta biba na Aruba. Cu esaki mi ta considera cu nos a cumpli



cu nos promesa haci na OPPA y na tur pensionado di Aruba”, Prome Minister a enfatisa. Un otro promesa haci den e reunion di diaranson 25 di September 2024, tabata e remedinan


cu pensionadonan mester a paga. Mientras tanto a crea e espacio financiero pa pensionadonan por haya remedy sin mester paga.

“Gabinete Wever-Croes a haya hopi elogio, y principalmente hopi mensahe di DANKI di pensionadonan pa cu esaki”, Prome Minister a termina bisando.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



3 PERSONA HERIDA DESPUES DI UN ACCIDENTE UNDA UN CHAUFFEUR A BAY DAL TRAS DI AUTO



Diadomingo madruga a drenta informe di un accidente cu hendenan herida na Tanki Leendert,


mesora a dirigi tanto polis como ambulans na e sitio. Na yegada di e patruya a

bin compronde cu aki ta trata di un accidente unda cu un chauffeur no a regula su velocidad ni a mantene

distancia a bay dal tras di e Nissan Xtrail. Debi na e fuerte impacto 3

persona a resulta herida di cual 2 mester a bay hospital.

AUTO A DAL UN CICLISTA CU A CORE CRUSA E.J. "WATTY" VOS BLVD



Diasabra merdia a drenta informe di un accidente cu hende herida riba E.J. "Watty" Vos blvd., mesora a dirigi tanto polis como ambulans na e sitio.

Na yegada di e patruya a bin compronde cu un ciclista a bay crusa e caminda banda pariba pero ela crusa sin pone atencion e chauffeur a purba hala pero e impacto tabata inevitable. Debi na e impacto y caida e

ciclista tabata tin dolor na brasa y curpa. Na yegada di e ambulans nan a atende e victima pero e mes no kier a bay hospital cu ambulans y a firma e declaracion di no ta desea atencion. E wiel di e bicicleta a keda dobla



Den Memoria di



Sr. Jan Hendrik Albert 'Henny' Eman

MAART 20, 1948 – 6 JANUARI, 2025



Sr. Jan Hendrik Albert 'Henny' Eman
Prome y ex-Prome Minister di Aruba.

Gerencia, staff y personal di
Aruba Ports Authority N.V ta extende
palabra di condolencia na famia, amigonan
y pueblo di Aruba en general
cu e fayecimento di
Sr. Henny Eman.



ARUBA PORTS AUTHORITY NV
ORANJESTAD ♦ BARCADERA

2 DAMA DEN AUTO A PASA RIBA UN CACHO DRUMI MEMEY CAMINDA



Diasabra anochi mientras cu polis tabata ocupa cu cu takelwagen pa hala un auto 2 dama di edad cu tabata den un auto a pasa riba un cacho

drumi riba caya. E cacho a keda ta grita pega bao di e auto e doño di e cacho mes a bini na su rescate, cu ayudo di un "jack" a lanta e auto y

a logra saca e cacho. E doño mes a carga e cacho hib'e den su cura e cacho tabata tin heridanan di rasca y kima riba su lomba.

Paga bo cuenta online ta facil

Sea
Abonnement
of Aviso



Pa hasi pago online pone nomber y adres na
cuenta di banco RBC Sunmax Printing
account # 7700000100152447

Marco Berlis (MEP):

E PROMESA DI UN FONDO DI INVERSION; KICO MIKE EMAN LO HACI SI ESAKI NO CONCRETISA?

Den e ultimo aña y mey nos por a scucha Mike Eman promete cu e lo comberti e debe di Covid-19 cu nos pais tin cu Hulanda, esta e 955 miyon florin cu nos a presta, den un fondo di inversion. Mike a promete cu manera e placa aki drenta den caha di gobierno, esaki lo wordo inverti den varios proyecto cu lo beneficia pueblo. Mike Eman a dal un vacante na Hulanda hunto cu su lijst-trekker pa crea un imagen cu esaki ta un “done deal.” Sinembargo, Mike Eman no tin un garantia, ni un

acuerdo, nada riba papel pa por garantisa ni sigura pueblo cu e lo logra esaki.

Mike, bo tin un plan “B?” Na diferente ocasion ma informa pueblo cu e idea aki di Mike Eman no ta uno original, sino uno copia di Gabinete Wever-Croes-I, cu na Juni 2020 a presenta e idea aki na e Secretario di Estado e tempo ya sr. Raymond Knops. Sr. Knops a considera e idea pa un tempo, sinembargo despues a bari esaki for di mesa. Ademas, na 2023 mi a biaha cu e delegacion di Parlamento di Aruba pa

reunionan cu miembronan di Tweede Kamer, y nan tambe a enfatisa riba cu Hulanda no lo duna mas “Placa Gratis” na e paisnan den Caribe. Si acaso Hulanda persisti pa nenga e futuro gobierno di Aruba pa comberti e debe di Covid den un fondo di inversion, cual ta bo plan e ora sr. Eman? Cual ta bo plan “B,” si acaso bo tin un plan at all!

AVP no tin un plan di gobernacion pa 2025 Remarcabel ta cu na 2021 ni na 2025 partido AVP a traha riba un plan di gobernacion. Esaki a wordo confirma pa Mike Eman mes y Gerlien Croes ora cu nan a sali di nan combersacion cu

governador. Ambos a papia di un “raamwerk” pero un plan no ta existi te ne dia di awe! Kiermen nisikiera tin un plan kico tur ta bay haci durante un posibel gobernacion y unda ta bay inverti e placa. Mike Eman a bay campaña cu 10 punto y un promesa cu e lo haya miyones di un fondo di inversion. Ora Mike a bishita Hulanda ex-minister president Mark Rutte a recorda Mike con e la laga debenan haltisimo atras y minister Donners a bise cu e Sociaal Cultureel PlanBureau ta mucho caro pa Aruba. Pues, e poco ideanan cu Mike Eman a hiba no a wordo bon ricibi na Hulanda. Ainda Futuro y pueblo ta wardando ansiosamente pa lesa e

plan di gobernacion di AVP.

Den conclusion nos tur ta sinta warda y ta puntrando nos mes si historia lo bolbe ripiti. E “bon comun” berde lo cristalisa? Lo yena cocolishi cu cientos di coordinador atrobe? Aruba lo bolbe bek na un era di knip en plakwerk di su presupuesto? Si e 955 miyon di e fondo no bira un realidad, Mike Eman a lo resorta atrobe na crea debenan gigantesco pa nos tur bay pague cu orguyo?

Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbisor di pueblo na bo ordo semper!



Clasificados

SOLODIPUEBLO@GMAIL.COM
CEL. 585 9500

Prome Rosario Bibo pa 2025

Dialuna awo 13 di januari lo tin e prome Rosario Bibo pa e aña aki.

Lo cuminsa resa pa 7 or y mey di anochi pa pidi nos mama di Alto Vista pa sigui proteha nos isla, nos casnan di famia y pa paz mundial.

Cada persona por trece tambe su intencionnan personal pa hunto resa pa salud y felicidad spiritual di cada persona. Nos ta bibando riba un isla bendiciona, pero sucesonan den exterior por afecta nos bida diario tambe, manera inflacion, presencia di personanan di exterior buscando un miho porvenir etc.

Comision organizado ta desea e comunidad Arubano un feliz aña 2025 yena cu salud y bendicion di Señor.

Alavez ta invita tur hende pa asisti na e prome Rosario Bibo dialuna 13 di januri proximo pa 7 or y mey na kapel di Alto Vista.

10 di januari 2025
Na number di comision
N. Koolman



Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'esey a manda Mi!." Lucas 4,43

Hesus a bini na mundo pa siña Su discipelnan tocante e Reino di Dios.

Cu Su palabranan Hesus ta proclama binida di e Reino y cu Su actonan E tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forza nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica

Marco Berlis (MEP): RAPPORTNAN INTERNACIONAL TA DEMOSTRA CU E LEY DI MIGUEL MANSUR PA LEGALISA “SOFT DRUGS” LO TA DEVASTADOR PA ARUBA

Recientemente nos por a observa con 20 di December 2024 Miguel Mansur den su ansha di “morto” politico a entrega un ley cu kier legalisa tur tipo di soft drugs na Parlamento di Aruba. Sinembargo, investigacionan internacional ta muestra claramente cu “soft” drugs ta adictivo, ta peligroso pa nos salud, y ta causa adiccion psicologico entre otro.

Mas sorprendente ta, pa compronde con Mansur, un ex-dicto cu a experiencia e lucha fuerte y tristeza cu ta rondona adiccion di droga, awor kier sigura comunidad cu un ley asina ta beneficioso pa e ciudadanonan di nos pais! Ademá, e ta sigura den su propaganda cu “soft drugs” no ta adictivo y tin riesgonan “abao!” (Wak su post di facebook 20 di Dec.) Esaki ta un declaracion totalmente falso y peligroso cu no ta nada nobo ni straño,

specialmente ora ta trata e persona di Miguel Mansur.

Kico investigacionan internacional ta bisa di “soft drugs”? E consecuencianan di uso di e droganan aki ta sinti tur rond di nos isla.

Famianan ta den crisis, problema matrimonial, muchanan ta “drop out” di scol. Un investigacion internacional di Dr. N.Volkow (MD), Ruben Baler (Ph.d), Dr.Wilson Compton (MD) y Susan Weiss (Ph.d) na 2014 ta duna nos un bon bista riba e efectonan di e droganan aki;

1. **Efektonan di uso na korto plaso**
 - Memoria di corto plaso afecta, hasiendo dificil pa siña i retené informacion.
 - C o o r d i n a c i o n motorico afecta, interferiendo ku abilidad di core auto cu ta aumenta e

riesgo di accidente y leshon.

- Huicio altera, aumentando e riesgo di comportacion sexual cu ta facilita transmision di malesa sexualmente transmiti.
- Na dosis haltu, paranoia i psicosis
- **Efectonan di uso na largu plaso of uso pisa**
- Adiccion (den mas o menos 9% di usuarianan en general, 17% di esnan cu cuminsa usa durante adolescencia, y 25 te 50% di esnan cu ta usuarianan diario)
- Desaroyo di cerebro altera.
- R e s u l t a d o educacional pover, cu un aumento den probabilidad di bandona scol.
- Deterioro cognitivo, cu un IQ mas abou entre esnan cu tabata usuarianan frecuente durante adolescencia.
- Satisfaccion di bida

i logro disminui (determina basa riba medidanan subhetivo i obhetivo compara cu e evaluacionnan den e poblacion general)

- Sintomanan di bronkitis cronico
- Riesgo aumenta di trastornonan psicotico cronico (incluyendo skisofrenia) den personanan cu un predisposicion pa e tipo di trastornonan aki.

Ademas, “soft drugs” tambe ta wordo considera “gateway drugs,” (Fuente; Dr.Mills and Noyes, 1984, Newcomb and Bentler, 1986, Yamaguchi and Kandel, 1984), nan ta droganan cu ta facilita y encurasha consumo di droganan mas fuerte manera cocaine, LSD y otronan.

E rapport tambe ta menciona con e droganan aki ta afecta bo salud; nan por provoca Cancer di pulmon, stroke y

atakenan di curason. Den conclusion mi kier bisa esaki; “Legalisa droganan cu tin consecuencianan devastador pa hogarnan, nos bienestar general, salud y salud mental di nos ciudadanonan, ta e forma cu Mansur kier pa nos pais “Biba Miho” manera su slogan politico ta bisa? “Biba Miho” kiermeen legalisa droganan cu a destrui bo bida pa asina hopi tempo? Mi no por conclui nada otro cu Miguel Mansur como politico ta keda un menasa y un peliger pa nos pais. No ta pornada pueblo a harta y a sak’e di Parlamento di Aruba!

Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbidor di pueblo na bo ordo semper!

YIU MUHE CU A CHOCA SU MAMA A BOLBE HAYA PROBLEMA CU SU MAMA DURANTE FAKKEL



Diadomingo madruga a drenta informe di un problema cu a escala entre un yiu muhe y su mama, mesora a dirigi un patruya na e sitio.

Na yegada di e patruya a bin compronde cu

recientemente e yiu lo a choca su mama, Ya caba e mama lo a bay for di e sitio pero e yiu muhe lo a keda na e sitio.

Polis a papia cun’e pa calma e asunto pa esaki no sigui escala.

HENNY EMAN DI ESTADISTA PA UN BIDA SIMPEL DEN CUNUCU



Humilde y trankilo den cunucu a caracteriza e bida di un homber cu a marca historia riba e plataformanan estatal di mas halto den Reino. Esey ta e bida sensato y simpel cu Henny a scoge p'e despues di a sirbi Aruba den e posicionnan mas clave.

Como e Prome Minister di Aruba mr. Henny Eman tabata ta un figura markante den e historia moderno di nos isla. E visionario di un Aruba Nobo, a eligi di pasa su ultimo añanan den trankilo humildad, brasando un bida cerca di naturaleza y memey di e bario Jaburibari despues di a lidera tres gabinete y despues di a guia Aruba a traves di un di su crisisnan economico mas desafiante.

E legado di Henny Eman ta marca pa e recuperacion economico historico cu el a encabeza despues di e ciere devastador di e refineria na 1985. Bou di su liderazgo Aruba, no solamente a supera su dificultad economico mas grandi, si no cu el a sigura su posicion autonomo den e Reino Hulandes, un logro historico pa Aruba cu por a mantene su Status Aparte den Reino a base di



Henny su perseverancia y maneho strategico na Den Haag, Hulanda.

Sin embargo, a pesar di e logronan inmenso aki, Henny Eman a scoge un bida di simplicidad y humildad den su retiro. E no a ambiciona of busca ningun posicion di consehero, comisariado of cualkier di e otro posicionnan atractivo y lucrativo aki cu ta wordo poni na disposicion di un personahe cu e carera impresionante di Henny Eman. Ora el a muda pa Cunucu na Jaburibari, hunto cu amigonan Henny a construi un cas

di palo modesto p'e y su señora Iris Eman-Arends. E mes contribuyendo gran parti di e trabou di carpinteria. E cas di palo simpel aki, rondona pa e beyeza natural di e campo Rubiano, a converti su mes den su santuario. Semper rondona pa su famia, amistadnan y su dos mascotanan stima. Brasando e tera cu e mesun dedicacion cu el a aplica na su servicio publico, Henny a cuminsa

cultiva un pida tereno chikito banda di su cas na Jaburibari. Cu ayudo di amigonan y familiarnan, a sembra pinda y bonchi, instalando un sistema di irigacion y e mes cuidando e cultivonan. Su cosechanan, conoci como "Pinda di Jaburibari" tabata wordo bendi den tiendanan chikito den bario di Noord, paketa den saco chikito di plastic of di papel bruin cu tabata refleha e simplicidad di su trabou.

Durante su retiro, Henny a keda asina den otro forma hopi conecta cu su raiznan



y su comunidad. Su Land Cruiser bieu, e mesun auto cu e tabata uza tempo e tabata Minister President, a sigui como su medio di transporte confiabel pa mas cu tres decada. E tabata mantene cu hopi cariño, reparando e mes hopi biaha, reflehando su bida humilde y senciyu. E fin di simannan na Jaburibari tabata hopi special. Henny tabata invita otro agricultornan y amigonan pa uni den momentonan ameno ora di sembra y cosecha.

E encuentran aki tabata un di trabao duro, pero tambe di harimento, storianan y esfuerso

comparti, personificando e spiritu di bida comunitario cu a defini su ultimo añanan. Semper na un momento asina fiel na su Heineken.

E bida humilde di Henny despues di un carera asina distingui ta un ehemplo profundo di liderazgo basa den servicio, gratitud y simplicidad. Su historia ta sigui siendo un recordatorio poderoso cu e grandeza berdadero no solamente ta wordo midi pa e logronan publico si no tambe pa e dignidad trankilo y ehemplar cu cua ta biba den amistad di sernan humano y nos naturalesa e ultimo capitulon di nos bida.

ARUBA CAISO & SOCA MONARCH

2025 LO TA DISPONIBEL VIA PPV

Sigi tur anochi di e festival via Pay Per View na Aruba y den exterior

Tur aña e demanda pa por sigi Aruba Caiso & Soca Monarch via Pay Per View ta halto. Ambos na Aruba y den exterior, publico ta pidi pa e oportunidad pa sigi e festival “Live” na television of via un device, pa no perde ningun presentacion, biba tur e momentonan excitante y sinti e suspenso di e competencia. Stichting Musica y SETAR ta hopi entusiasmo cu tur anochi di ACSM2025 lo ta disponibel via e sistema di PPV. E Prefinals di e festival, cu ta conta cu registracion di 18 banda y mas di 60 produccion nobo, lo tuma lugar riba dia 14, 15 y 16 di januari y e anochi Final di e festival lo ta riba dia 8 di februari 2025.

E pakete di PPV pa tur 4 anochi ta costa Afl. 99,- (US\$ 56.57) y por wordo cumpra via un credit card (local of internacional) riba e website aki: <https://ppv.setarcode.aw/musica>. Esnan cu ta na Aruba, por cumpra e pakete via Pay. AW tambe. Clientenan cu tin account na SETAR y kier mira ACSM2025 riba nan television, por haci esaki yamando 525 1002 of por pasa na cualkier Teleshop di

SETAR. Cu compra di e pakete di PPV, clientenan cu tin IPTV y Setar Complete lo por wak ACSM2025 na canal 127 y clientenan cu Digital Cable na canal 126 (SD) y Canal 127 (HD). Stichting Musica ta gradici SETAR NV pa su aporte y tambe Aruba Tourism Authority, Aruba Airport Authority, Chill y Elite Productions & Entertainment pa nan sosten na Aruba Caiso & Soca Monarch 2025.



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

GOBIERNO DI ARUBA TA INVITA BO PERSONA PA ASISTI NA E CEREMONIA DI ENTIERO NA HONOR DI sr. Jan Hendrik “Henny” Albert Eman

En conexion cu fayecimento di e prome Prome Minister di Aruba, sr. Jan Hendrik “Henny” Albert Eman, riba 6 di januari 2025, Gobierno di Aruba ta invita Bo persona pa asisti na e ceremonia di entiero na honor di sr. Eman, cu lo tuma lug ariba:

Fecha : Dialuna 13 di januari 2025


Ora : 10:30 AM pa 4:00 PM

Luga: Plaza Henny Eman, Oranjestad, Aruba















Despues di e ceremonia, e entiero lo tuma lugar na Santana Protestant, Caya Ernesto Petronia, Oranjestad, Aruba.

Adres pa condolencia:

Cas di Partido AVP - Avenida Alo Tromp 56, Aruba




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - January 12, 2025

 Sorteo # 8446 9078 7888 0717  x2  Sorteo # 7490 1951  x2  Sorteo # 2195 6966  Sorteo # 6249 8321 Tauro  Sorteo # 1179 756  x2	 Sorteo # 0 x Jackpot 0 x Match 4+ 2 x Match 4 120 x Afl. 12,00 01-13-16-28-34 Joker 8 Letter I Proximo Jackpot 210.000,-	 Sorteo # 6710 0 x Jackpot 10 x Match 4 158 x Afl. 8,00 02-08-15-19-28 Proximo Jackpot 68.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 500.000,-  Afl. 700.000,-	 Sorteo # 
---	---	---	--	--

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na un Santo Sacrificio di Misa na misa Inmaculada Concepcion; diasabra 11 januari, diasabra 18 januari y diabierna 24 januari Boso presencia ta altamente aprecia.